



In dumënia ai 06 de Novëmbër éel gnü sughé la decima y penultima partida dl andata dl campionat 2011/2012 de 3° categoria por La Val. La partida é gnüda sugada te ciasa cuntra la squadra da Percha, che ne é mai stá cis avversars na se fá saurí. Percha é te tlassifica al bun 3° post, mo degügn ne á cíamò capí sciöche ai a fat da ruvé tan inant, suradüt cun le bur sughé che ai á. Mo in chësc ann ti eres jüdes dütes cantes bunes.

Bel avisa porchël é jüda la squadra da La Val convinta te campo, fajon na buna partida, suradüt dla pert defensiva. Bel da mët man dla partida an cunesciü che le Percha ne á nia cambié sistem de jüch. Düt ma en "canunamënt" di defensurs sö ai atacanc. Porchël an atira capí che al foss stè na partida burta, suradüt dla pert di tifosi che é gnüs a ciaré pró. Ti prüms menüch dla partida é La Val atira prigorosa. Sön en bel cross de Micky dala fascia ite, röia le pal sön le secundo palo, Florian stachëia sö bel da sú, mo le colp de testa röia bel avisa tles mans dl portier dl Percha. Püch dedô éel Romeo che pro da fá en eurogol, sön en rinvio sbaglié dl portier cun i pügns, röia la pala püch fora dla lunetta dl centrocampo. Romeo ne pënsa nia sura dui iadi y tira en bel tiro al volo che röia de püch dlungia le palo lunch ia. Dopo el la partida che se stüda ia, le Percha ne é mai prigorusc, al vëgn ma plü lancè. La Val se adeguëia ince bel plan a chësc bur jüch, mo dô la mesora é Florian che é bun da trá fora en bel rigore. Al é bun da dribbeln en defensur te area, spo canche al vá dlungia ia vëgnel mazè jö te area. Insciö mëss l'arbitr fischí le rigore. Florian se prejentëia sön le ünesc y spiazëia le portier. Le prüm tēmp se stlusc jö sön le 1 a 0 por La Val.

Tl secundo tēmp é la paritda en pü da stufé por i tifosi y por la cualité dl jüch. Le Percha é ma bun da trá fora en per de puniziuns fora dl'area, mo degun tiro ne abina gnanca la porta. Ince sön i calci d'angolo ne esi nia prigoriusc. La Val podess spo a mesa le prüm tēmp stlū jö la partida. Ivan röia jö sön le fondo spo fejel ite en bel cross, Romeo é bel da sú dan porta, mo la pala röia bel avisa sön na altëza danter le scnedel y le pé, insciö ne éel nia bun da trá bel la pala, che vëgn deviada spo fora sön le rigore, spo röiel adalerch Franzi che éss ma albü bria da atuché la porta. Mo al röia sön la pala en pü scordiné y cun en controbalzo dl pal, tirl sura porta fora. Na gran oportunité nia sfrutada por La Val.

Insciö é La Val che mëss cíamò defëne le resultat cina ala fin dla partida. Le Percha pro te vigni maniera da fá gol mo ai ne é nia prigoriusc, insciö se röia la partida sön le 1 a 0 por La Val.

Cun chisc trëi punç davagná resta La Val al 4° post mo da susc, le Percha che é al 3° post é ma plü 2 punç dan da La Val.

La formaziun titolara: Kantioler Sepl, Castlunger Marco, Alton Alex, Tavella Jordan, Tavella Thomas, Frenes Daniel, Sottara Stefan, Rubatscher Romeo, Tschaffert Ivan, Frenes Micky y Rubatscher Florian.

Sostituziuns:

Verginer Franzi por Frenes Daniel

Elzenbaumer Alex por Frenes Micky

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)